

羅山縣卷之四

知縣錦江葛荃重纂

典禮志

儒學 社學 公式  
祀典 賓興 鄉儀

志曰禮之由來尚矣然典禮之官見自虞廷誌禮之書傳於有周周禮一書燦然明備非萬世典禮之祖歟顧帝王異代不相襲故自秦漢唐宋以迄有明皆因時損益各有其宜獨我

朝聖神相繼精一執中作君作師宣猷立極凡茲郡邑莫不彞倫攸敘典物聿昭矣由是學校振其綱

羅山縣志

卷之四

典禮

一

黨塾流其化公式頒於上鄉儀肅於下以勸賢則賓興三物之必詳以事神則備物盡志之悉協於以辨上下而定民志一道德而同風俗彬彬乎文質攸宜不誠集百代之大成爲不易之憲章乎作典禮志

儒學

學校設自三代羅山之建邑不久前代無攷其餘制在縣治東元延祐四年縣尹孫恭重建中順

大夫黃州路總管兼勸農事韓

記

見儒學碑

明洪武初年知縣聞珪重建會稽邵祥碑記

見藝文志

正統間知縣劉公恒

嘉靖十一年知縣侯之藩俱重建三十三年巡按

河南監察御史霍公冀按臨本縣謁

先師見廟就圯行縣令濮公儲繕修並得邑人御史尚公維持捐貲倡勸殫心成之其規制材木爲隣邑之所未有歲久頽圯天啓崇禎間學博唐

羅山縣志

卷之四

儒學

二

之材冷孟鉉及邑人刑書劉廣生疊有增修規模無減于舊迨兵燹後頽垣鞠艸宮墻殊屬削色雖正殿新經鼎建而東西兩廡戟門啓聖祠不無遺憾者目今城工指日告竣而文廟之修葺卽可以次第舉行自不忍以千歲澤宮等于三年築舍也

大成殿五間

正南向知縣高楫同教諭常景星訓導陳韶重建

東廡殿七間

殿左西向今廢

西廡殿七間 殿右東向今廢

戟門三間 殿前歲久並東西角門頽塌知縣李明同學事馮應鰲重修

東角門 戟門左

西角門 戟門右

泮橋三洞 戟門前

名宦祠 戟門左今廢

鄉賢祠 戟門右今廢

櫺星門三座 緯以朱欄

羅山縣志

卷之四 儒學

屏牆一座 櫺星門前頽圯無存署教諭常景星重建

聖祠三間 義路東南向繚以周垣今廢

文昌祠三間 啓聖祠前南向

省牲所 文昌祠西側今廢

祭厨 文昌祠西側今廢

明倫堂五間 內有臥碑鑄忠孝節義四大字徑丈餘艸葺蓋知縣高楫教諭常景星訓

崇陳韶同建

進德齋三間 堂左西向今廢

澹寧齋三間 進德齋北南向今廢

修業齋三間 堂右東向今廢

繕房齋三間 修業齋北南向今廢

敬一亭三間 明倫堂後列碑鐫敬一箴及視聽言動箴今廢

御書樓五間 知縣劉恒教諭邵祥同建以貯有明御頒書籍大理寺右少卿弋陽李奎

記後知縣楊鉞改建名友善堂今廢

射圃 御書樓西今廢

義路 堂左西向

羅山縣志

卷之四

儒學

四

禮門 堂右東向今廢

東角門 堂左今廢

西角門 堂右今廢

甬道 禮門西

教諭宅一所 傾頹無存教諭常景星捐俸重建雖非舊日基址自茲以後有所傳舍

訓導宅一所 今廢

學門三間 今廢

雲路街 東西租房三十間今盡廢無存

學田二處

俱在城西南張一頃五十畝尚公置二十二石劉廣生置今盡荒無熟

奎樓一座

今廢

霍公祠三間

今廢

尚公祠三間

今廢

賜書

子今殘廢無一存者備記其名以俟後之君

明御製大全

洪武禮制

四書大全

為善陰隲

孝順事實

綱目大全

性理大全

五經大全

羅山縣志

卷之四

儒學

五

國朝頒大清律

今止存此一部

學宮

見官師志並秩官志

弟子員

見秩官志設弟子員之由不可不識也故再志之

漢初雖有弟子而私相傳授武帝始置弟子員

唐制上縣四十人中縣三十五人下縣二十五人

宋無定員崇寧三年以費廣難贍照現在生三分

汰一

元有大學生小學生 生

明洪武初兵戈甫息未暇廣延令縣學二十人給廩膳宣德三年增廣生如廩膳之數正統十二年于常額之外選軍民子弟願入學者克附學生國朝順治四年稽查原數現存者不足二百人學使者李公震成廣收八十餘人以示

朝廷恩意及十三年因額數太廣奉

旨汰革大縣每錄止四十人中縣二十五人下縣十  
二人十五年奉

羅山縣志

卷之四

儒學

六

旨裁額中縣止十二人而已是皆備數者不足三百人又有青社武生之名實止二百餘人也

學規

宋大觀元年詔布周官八行八刑之法于學宮令所在鐫刻淳祐六年御書白鹿教條頒天下學立石明洪武二年令學者專治一經以禮樂射御書數設科以分教三年定學校射儀十五年頒禁例于天下諸學校勒石于明倫堂左謂之臥碑

國朝順治九年

御製條約共計八條頒刻石學宮謂新臥碑今在明  
倫堂

襄陵李尹曰讀孔子對哀公儒行篇所云知儒大  
矣今天下學曰儒學以群聚者儒也而其行如孔  
子所云者不一見焉何則以天下無以儒待士者  
爾等士人于齊民所司比比然也其甚者以舉事  
一不當輒辱之賈風力而博威名卒使士之于學

羅山縣志

卷之四

儒學

七

校也直泥塗視之一第則欣欣然喜若涉雲霄之  
上矣喜在此亦朝夕惟此之是保而不合道義者  
因有之人見其爾爾也空天下曰無儒噫抑知夫  
玉乎玉貴于天下非有玉者貴之求玉者貴之也  
盖惟有求玉者則有玉者不售而其價始高脫天  
下以石視玉也而不知求則有玉者欲爲人用  
不可得矣而况得而貴之乎人性豈異玉也人  
有是性豈異有玉者也貴士之性待之曰儒而

亦貴性以副貴之之意自負亦曰儒矣謂無儒也  
然乎哉羅之士鍾靈淮之秀生者濟濟乎多儒者  
氣象也貴重卽如真儒則其所就詎今之人物已  
乎將有如孔子之對哀公者出矣

儒學

魯麟

康熙十六年蒙

頒日講四書解義於學宮以道統卽治統教海內臣

民共臻至治

康熙二十二年知縣孫詒謀重脩明倫堂五間

康熙二十四年蒙

御題萬世師表爲大成殿額永示尊崇以弘大化

康熙二十六年奉

羅山縣志

卷之四

儒學

九

詔天下文廟選樂舞生六十四名肄習以充之惟

聖尊聖誠盛典也

麟

奉 憲檄慎簡其人捐俸置器

肄習告成以光俎豆

康熙二十九年

麟

重脩宮牆加其丹雘 造

聖暨諸賢神主金碧維新

儒學 增

大成殿

五楹向係平房卑隘彫敝乾隆十二年荃捐募新建易以飛閣高敞完固

東廡

向止三楹乾隆十二年荃捐募新建五楹

西廡

向止三楹乾隆十二年荃捐募新建五楹

戟門

五楹雍正二年本邑廩監生劉名燮妻徐氏捐修今重葺如新

泮池

舊甃殘毀今重葺一新

宮墻

舊多殘缺低薄今周圍皆增高厚自屏墻至大成殿後俱用花磚

崇聖祠

三楹舊制卑隘頹毀乾隆十二年荃捐募遷建頗稱軒爽

羅山縣志

卷之四

儒學

十

名宦祠

三楹

鄉賢祠

三楹二項俱雍正十二年知縣王夔龍募修今重葺如新

尊經閣

五楹雍正十三年奉布政司罰鍰建

樂器庫

二間在崇聖祠傍乾隆十二年建

明倫堂

五楹乾隆十二年荃捐募重修

文昌祠

三楹在義學後乾隆十三年荃捐募新建

魁星樓

二重在城東南隅乾隆十三年荃捐募新建

頒發

康熙二十二年

御書萬世師表匾額頒式摹製

康熙二十五年

御製

夫子序讚四配讚頒行勒石

康熙五十二年頒發朱子全書於學

雍正二年

御書生民未有匾額頒式摹製

羅山縣志

卷之四

儒學

十一

雍正三年刊頒祭品禮樂器圖冊於學

雍正八年加增

文廟祭祀銀兩

乾隆二年

勅部議准動支藩庫公項令各學修葺製備禮樂器

召佾生演習

乾隆三年

御書與天地參匾額頒式摹製並頒十三經二十一

史於學

乾隆五年頒發明史

乾隆七年頒發

欽定四書制義

乾隆九年頒發

大清律

乾隆十年頒發

御纂周易折衷

羅山縣志

卷之四

儒學

十一

欽定書經傳說彙纂

欽定詩經傳說彙纂

欽定春秋傳說彙纂

欽定性理精義

乾隆十一年頒發

御批資治通鑑綱目

乾隆十三年頒發

御撰資治通鑑綱目三編

樂章

迎神樂咸平之章

大哉至聖道德尊崇維持王化斯民是宗典祀有  
常精純並隆神其來格於昭聖容

初獻樂寧平之章

自生民來誰底其盛惟師神明度越前聖粢帛具  
成禮容斯稱黍稷非馨維神之聽

亞獻樂安平之章

羅山縣志

卷之四

儒學

十三

大哉聖師實天生德作樂以崇時祀無斃清酤惟  
馨嘉牲孔碩薦修神明庶幾昭格

三獻樂景平之章

百王宗師生民物軌瞻之洋洋神其寧止酌彼金  
罍維清且旨登獻惟勤於嘻成禮

徹饌樂咸平之章

犧牲在前豆籩在列以享以薦既芳既潔禮成樂  
備人和神悅祭則受福率遵無越

送神樂咸平之章

有嚴學宮四方來崇恪恭祀事威儀雝雝歆茲維  
馨神馭還復明湮斯畢咸膺百福

聖祖仁皇帝御製讚

并序

蓋自三才建而天地不居其功一中傳而聖人代  
宣其蘊有行道之聖得位以綏猷有明道之聖立  
言以垂憲此正學所以常明人心所以不泯也粵  
稽往緒仰溯前徽堯舜禹湯文武達而在上兼君

羅山縣志

卷之四

儒學

十四

師之寄行道之聖人也孔子不得位窮而在下秉  
刪述之權明道之聖人也行道者勲業炳於一朝  
明道者教思周於百世堯舜文武之後不有孔子  
則學術紛淆仁義湮塞斯道之失傳也久矣後之  
人而欲探二帝三王之心法以爲治國平天下之  
準其奚所取衷焉然則孔子之爲萬古一人也審  
矣朕巡省東國謁祀闕里景企滋深敬摛筆而爲  
之讚曰

清濁有氣剛柔有質聖人參之人極以立行著  
察舍道莫由惟皇建極惟后綏猷作君作師垂統  
萬古曰惟堯舜禹湯文武五百餘歲至聖挺生聲  
金振玉集厥大成序書刪詩定禮正樂旣窮象繫  
亦嚴筆削上紹往緒下示來型道不終晦秩然  
經百家紛紜殊途異趣日月無踰羹墻可晤孔子  
之道惟中與庸此心此理千聖所同孔子之德仁  
義中正秉懿之好根本天性庶幾夙夜勗哉令圖

羅山縣志

卷之四

儒學

十五

溯源洙泗景躅唐虞載歷廷除式觀禮器濡毫仰  
讚心焉遐企百世而上以聖爲歸百世而下以聖  
爲師非師夫子惟師於道統天御世惟道爲寶泰  
山巖巖東海泱泱牆高數仞夫子之堂孰窺其藩  
孰窮其徑道不遠人克全作聖

顏子讚

聖道早聞天姿獨粹約禮博文不遷不貳一善服  
膺萬德來萃能化而齊其樂一致禮樂四代治

兼備用行舍藏王佐之器

曾子讚

洙泗之傳魯以得之一貫曰唯聖道在茲明德新民止善爲期格致誠正均平以推至德要道百代所基纂承統緒脩明訓辭

思讚

於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德

羅山縣志

卷之四

儒學

十六

之門卷之藏密擴之無垠

孟子讚

哲人既萎楊墨昌熾子輿闢之曰仁曰義性善獨聞知言養氣道稱堯舜學屏功利煌煌七篇並垂六藝孔學有傳禹功作配

欽惟我

朝聖聖相承覃敷文教加隆廟祀樂育人材崇儒重道之意前古未有及焉躬斯盛而遊於學者其何

以澡身浴德爭自濯磨以仰副

右文之至意歟

羅山縣志

卷之四  
儒學

十七

社學

洪武八年詔有司置社學延師儒以教民間子弟  
之後秀者天順六年勅各省直提學官令有司于  
各鄉各里俱設社學仍免社師差役

羅山社學舊在城內東街知縣楊鉞遷水南寺後  
廢萬曆四十五年知縣劉明才捐俸買生員胡靖  
基地創修廳舍門垣俱全延師教讀仍買腴田四  
十餘畝納租供師貧家子弟任來從學不索束修

羅山縣志

卷之四

社學

十八

今學廢基存

國朝順治六年頒

聖諭令儒童講約後遵行

愚按羅邑學宮素甲汝南今頽圯殆盡况社學乎  
城內新舊二基不勞多力可新盛舉而域南之龍  
山龍池石門問津鵲山諸處皆山水清幽最宜肄  
業之地地霸人傑羅之人士誠可造就也因社學  
而並記之

社學

魯麟

康熙二十三年知縣孫詒謀重脩社學於公署西  
北延師以教貧家弟子陞任後館垣傾頽鞠爲  
茂草矣

康熙二十八年麟新建社學於公署東齋舍門

墻倍加軒濶延本學廩膳生員劉名彝爲師願  
學者聽其負笈來從脩適館授粢之儀而學俸  
皆捐已俸行將於山水幽秀間各設義館廣其

羅山縣志

卷之四

社學

十九

教思焉

社學 增

按續志康熙二十三年知縣孫詒謀重脩社學於公署之西北康熙二十八年知縣魯麟新建社學於公署之東當其人存政舉教思正自無窮迨後名存實廢未久而瓦碎垣頽絃誦之聲邈矣雍正二年知縣路進廷亦嘗捐俸重脩蓋卽孫公故址然亦僅僅三楹漸卽傾漏肄業諸生無所容雍正十二年知縣王夔龍乃另擇地於儒學後捐俸創

羅山縣志

卷之四 社學

二十

脩講堂五楹高敞宏整東西齋各六楹前設門樓繚以周垣又購置古今書籍二十餘部以資考誦其優者獎以紙筆寒冬資以膏火前制府王公士俊顏其堂曰敬業督學鄒公升恒亦額而記之邑數十年來茲其大有光矣舊有田二區一坐南喻廟約一坐獨山畝約納租供師以代受學者束脩之資由是歷任相沿脩舉皆易爲力而荃亦得幸承芳躅延禮名師簿書稍暇輒與諸生評論課藝

向學之士蔚然稱盛今復乘脩學之便卽於講堂  
後創建文昌祠三楹而前建魁閣於城之東南隅  
以與祠互爲輝映如引如攜亦臨亦保庶乎佑啓  
斯文之一機與雖然嚴立規約循循善誘者社師  
之責也敬業樂羣敦崇實學以遵師訓而光邑社  
者社學生之職也借令名實不副而欲經明行修  
立體致用斌斌若蘇湖之盛其可得乎尚其交相  
淬勵以無負令長作人之意則又幸甚

公式

以下公式昭代制焉率土守焉羅邑由之而已

聖誕冬至正旦節

縣正率僚屬朝服先一日黎明設鑾駕龍亭詣白

勝寺習儀畢禮生導龍亭奉安縣堂至日五鼓行

禮如制

詔赦至

縣正率僚屬師生預陳鑾駕出郭徃步導迎至縣

羅山縣志

卷之四 公式

二十一

堂行禮如制

日食

具朝服于縣堂階上救護行禮如制

月食

具常服于縣堂階上救護行禮如制

按周禮救日月則詔王鼓又曰太僕所掌凡軍旅  
田役贊王鼓救日月亦如之明丘文莊曰我朝凡  
遇日月有食之先期欽天監推箕時刻抄忽奏  
行下禮部通行天下至食期文武官員具朝服于  
禮部行禮月食則行于軍衛無軍衛者俱于有司有陰  
于有司月食行于軍衛無軍衛者俱于有司有陰

雲則免今相沿舊制雖陰雲仍依昔行禮亦敬天變之意也

### 鞭春

立春先一日縣正率僚屬于東郊祭芒神行兩拜

禮迎春赴縣堂春宴至日具朝服行禮如制

明丘文莊云按宋景祐所頒土牛經其作土牛以歲之干色為首支色為身納音色為腹立春日干色為角耳尾支色為頸納音色為蹄至元所頒經式牛色止以立春日為法日干為頭角耳色支為身色納音為蹄尾肚色明初襲用元制正統中始用言者製土牛色復用歲之支干納音如宋法

國朝制因之

## 羅山縣志

### 卷之四 公式

### 新官到任

先一日齋宿城隍廟至日五鼓祭神與神誓然後

赴縣祭儀門畢具公服行謝

恩禮畢公座畢更服參見諭僚屬署公移廼享官屬

### 祈禱

遇水旱縣正素服率僚屬等詣各壇宇行香停刑

### 禁屠沽

### 鄉飲酒禮

每歲正月十五日十月初一日縣正率僚屬師生

### 于明倫堂行禮如制

愚聞先正云鄉飲之名始于成周漢唐以來亦間行之至明太祖即位之初詔天下府州縣每歲再

國朝因之伏讀 聖誥有云鄉飲酒禮所以叙長幼

論賢良別奸頑異罪人又云斯禮古先哲王之制安良于宇內亘古至今興者鄉里安隣里和長幼

永無窮之樂大哉 皇言垂世儆俗之意深矣吾邑舊典極其慎重賔介之選寧虛席以待有德而

莫敢妄舉以干公議與是飲者官師敬禮彥士終日侍立可以尋常之夫冒以齒叙哉

### 鄉射禮

今廢

## 羅山縣志

## 卷之四

公式

二十四

按大明會典洪武初年禮部劄子令生員日講畢習射府州縣官辦事畢亦習射朔望射禮如儀註八年四月改令每月上旬習射三日下旬亦習射三日二十五年重定射式朔望以提調官主射噫聖謨觀德之意良深矣

### 閱武

霜降前二日巡捕官率馬步兵丁及民兵演操至

日縣正率僚屬至教場祭旗燹神巡捕官督操如

### 制行賞罰

祀典

至聖先師孔子廟

自漢高祖以太牢祠孔子至平帝封褒成公宣尼侯至唐玄宗諡文宣王南向被王者服贈弟子皆公侯伯至宋眞宗加諡至聖文宣王追封一代至明洪武初詔正諸神封號惟孔子封爵獨仍舊十五年始詔天下儒學通祀孔子頒釋奠儀二十六年頒大成樂器於天下府州縣如式嘉靖九年釐

正祀典始稱 至聖先師孔子易木主四配顏曾思孟舊稱某國某公欽改某聖某子十哲次於四配舊稱某侯某伯欽改先賢某子兩廡照家語有名者各稱先儒某子增祀后蒼王通歐陽修胡瑗等七人止令國子監祭用十豆十籩天下府州縣籩豆用八樂舞用六出林放蘧伯玉鄭重盧植鄭玄服虔范甯非及門私淑之徒各祀於其鄉黜申黨公伯寮秦冉顏何荀况戴成劉向賈逵馬融何

王肅王弼杜預吳澄十三人隆慶五年以明

瑄從祀萬曆十二年以王守仁陳獻章胡居仁從

祀三十九年又增

宋儒羅從彥李侗從祀 侗號延平先生即賡明二十代祖也

先師位陳設

爵三

盛酒

登一

盛太羹

鉶一

盛和羹

簠簋合一

盛黍稷稻粱

籩豆各八

盛形鹽藁魚棗栗榛菱芡鹿醢菹菁苴鹿脯芹苴兔醢笋苴魚醢

羊一

豕一

羅山縣志

卷之四

祀典

二十六

祝版一

篚一

酒尊一

四配位每位

爵三

鉶二

簠簋各二

籩豆各八

羊一

豕一

篚帛一

四位共酒尊一

十哲位每位

爵一

劔一

簠簋各一

籩豆各四

羊一

豕一

五位共筐一  
酒尊一

東廡先賢三十一位先儒十八位合四十九位分十

二壇每壇

簠簋各二

籩豆各四

豕肉四盤

筐帛一

每位爵一

西廡先賢三十一位先儒十七位合四十八位分十

羅山縣志

卷之四

祀典

二十七

二壇陳設東廡同

啓聖祠

嘉靖九年詔天下儒學通建祠祀啓聖  
又以先賢顏無繇曾點孔鯉孟孫氏配

儒程珦朱松蔡元定從祀萬  
曆二十三年增周輔臣從祀

啓聖位陳設與

先師同惟減太羹一

配位准十哲

從祀位准兩廡

文昌祠與啓聖祠同

官

鄧 邯

蔣良輔

袁 泰

楊 鉞

石 瓚

王續宗

黃 玉

羅山縣志

卷之四

祀典

鄉賢祠

費 禕

舒繼明

李思齊

尚 禔

徐廷章

劉 鎰

胡 瀛

趙時中

黃 祥

尚維持

劉 容

王嘉臣

黎光祿

霍尚二公祠 以修學有功也

子路祠 嘉靖辛酉年知縣陳思武申允建于子路山祀孔子以子路配享

社稷壇 城西門外

祭品祭物

爵三 帛一

鉶一 和羹 簋二

籩四 豆四

羊一 豕一

羅山縣志

卷之四 祀典

二十九

祝文載在儀注

風雲雷雨壇 在南門外祭用春秋二仲上巳日設三壇風雲雷雨居中山川居左城隍居右

陳設與社稷同

城隍廟 在城西南隅嘉靖十年知縣黃公玉改建城西北隅邑人劉可記祀典與風雲雷雨壇

合祀

八蜡祠 舊附祭社稷之次萬曆二十四年知縣栗公維垣特建祠于壇東以春秋二仲上戊日祀

禮畢行禮

邑厲壇 北門外祭用清明日七月十五日十月朔日

燾 霜降演武祭

王公祠

北門外故主簿贈羅山縣知縣王公續宗二  
丁日文廟祀禮畢縣佐貳官行禮

清白吏劉公祠

西門外路北祀廣南府知府邑人  
劉公容萬曆十五年汝南分巡副使

陳公薦題公墓日明清白吏左山劉公之墓二  
十二年儒學教諭張名坤率闔縣士民建祠于

縣治東楊公街崇祀久之祠漸圯四十五年前  
巡道陳公以戶部尚書兼都御史督撫淮上檄

縣改建祠于此知縣劉明才因建坊墓道日百  
世清風每歲二丁次日正學官請祠行禮今祠

廢請主拜祀  
于明倫堂

羅山縣志

卷之四

祀典

三十

鄉賢祠 續

魯麟

羅華袞

康熙五年奉督學  
道張憲文從祀

劉廣生

劉士蘭

羅山縣志

卷之四

鄉賢

三十一

祀典 增

周禮大宗伯掌天神地祇人鬼之祀大祀中祀小祀秩文不易矣州邑之祀風雲雷雨社稷山川諸侯祭其域內之義也至若古先聖賢或養或教功德昭于萬世者固宜血食萬方矣卽其一經流衍一德可師非所謂法施於民者歟臚諸祀典俎豆馨香遡神靈於既往示風勵於來茲爲綱常名教之歸而非僅祈珥禱祀之文也

羅山縣志

卷之四 祀典

三十一

風雲雷雨壇

社稷壇

蜡祠

邑壇

先農壇 以上祥見壇壝

省郡縣耕藉之禮古未有也雍正五年

世宗憲皇帝至德感孚宏仁率育躬耕

帝藉致嘉禾九穗之祥

特諭天下守土之官通行耕藉之禮務使人人  
重農務本誠盛世之曠典也凡屬官民可不欽奉  
德意實力遵行感召天和以承萬世無疆之休也哉

文廟從祀

康熙五十二年升祀朱子於十哲之列康熙五十  
五年進范仲淹從祀文廟雍正元年追封  
先師五代  
木金父公爲肇聖王

羅山縣志

卷之四

祀典

三十三

祈父公爲裕聖王

防叔公爲詒聖王

伯夏公爲昌聖王

叔梁公爲啟聖王奉主入啟聖祠更名爲崇聖祠  
雍正二年復祀先賢蘧瑗林放秦冉顏何增祀先  
賢縣亶牧皮樂正克公都子萬章公孫丑復祀先  
儒鄭康成范甯增祀先儒諸葛亮尹焞魏了翁黃  
榦陳淳何基王栢趙復金履詳許謙陳澹羅欽順

蔡清陸隴其又增入張迪從祀崇聖祠雍正三年  
升先儒左邱明周敦頤張載程灝程頤邵雍六人  
位附於先賢

乾隆二年復元儒吳澄從祀

乾隆三年升先賢有若入十哲

雍正三年刊布文廟及崇聖祠先賢先儒排定位  
次

四配

羅山縣志

卷之四 祀典

三十四

復聖顏子

宗聖曾子

述聖子思子

亞聖孟子

十二哲

先賢閔子損

冉子耕

冉子雍

宰子予

端木子賜

冉子求

仲子由

言子偃

卜子商

顓孫子師

有子若

朱子熹

東廡先賢三十八位

蘧瑗 澹臺滅明 原憲 南宮适

商瞿 漆雕開 司馬耕 有若 乾隆三十八年

巫馬施 顏辛 曹邨 公孫龍

秦商 顏高 壤駟赤 石作蜀

公夏首 后處 奚容蒧 顏祖

句井疆 秦祖 縣成 公祖句茲

燕伋 樂欬 狄黑 孔忠

公西蒧 顏之僕 施之常 申枏

羅山縣志

卷之四

祀典

三十五

左邱明 秦冉 牧皮 公都子

公孫丑 張載 程頤

西廡先賢三十九位

林放 宓不齊 公冶長 公皙哀

高柴 樊須 商澤 梁鱣

冉孺 伯虔 冉季 漆雕徒父

漆雕哆 公西赤 任不齊 公良孺

公肩定 鄭單 罕父黑 榮旂

左人郢 鄭國 原亢 廉潔

叔重會 公西輿如 邽巽 陳亢

琴張 步叔乘 秦非 顏噲

顏何 縣亶 樂正克 萬章

周敦頤 程灝 邵雍

東廡先儒二十三位

公羊高 孔安國 毛萇 高堂生

鄭康成 諸葛亮 王通 司馬光

羅山縣志

卷之四

祀典

三十六

歐陽修 胡安國 尹焞 呂祖謙

蔡沈 陸九淵 陳淳 魏了翁

王栢 許衡 許謙 王守仁

薛瑄 羅欽順 陸隴其

西廡先儒二十三位

穀梁赤 伏勝 后蒼 董仲舒

杜子春 范甯 韓愈 范仲淹

胡瑗 楊時 羅從彥 李侗

張 棧 黃 翰 眞德秀 何 基

趙 復 金履祥 陳 澔 吳 澄

陳獻章 胡居仁 蔡 清

崇聖祠配享四位

顏無 曾 點 孔 鯉 孟孫激

從祀五位

周 成 程 珦 蔡元定 張 迪

朱 松

羅山縣志

卷之四

祀典

三十七

忠義孝弟祠

在儒學內雍正六年署縣閻士縉奉文建

節孝祠

在儒學外雍正六年署縣閻士縉奉文建

武廟從祀

雍正三年加封

關帝三代公爵

曾祖光昭公

祖裕昌公

父成忠公雍正五年議定祭品及前後殿行禮

注五月十三一祭春秋二祭照文廟例支銀備辦

羅山縣志

卷之四  
祀典

三十八

賓興

天子將弼教將明刑將理財將分治郡縣必求其人

必敬求其人爰置賓興

生員應試

有司于七月上旬擇吉舉行開宴公館架天橋鼓樂導至北門外祖餞額賦有

科舉路費今除荒徵熟僅存十分之一貧士有不能赴科者

舉人報捷

樹旗送捷報扁禮于其廬次日遣夫馬往迎備禮以待

郊迎

有司率傘蓋金鼓旗隊清道結綵出迎行禮如常儀

釋菜

至文廟行四拜禮迎赴公宴

羅山縣志

卷之四

賓興

三十九

赴宴

至縣以次行禮分坐縣令款宴禮樂盛備盡歡而送之歸第

第

導如前儀

會試

如鄉試禮加隆

進士捷報

如舉人禮加隆

貢士

亞于前禮其年例照舊

鄉儀

朝廷之禮有公式公式之外有鄉儀舉動步趨必範  
于是雖非經曲所載亦因其風土而順其人情不  
媠褻亦不煩苛令朴者秀者無狃獠躍冶之患而  
委巷之民各生其共矣

通禮 宗法槩無行者祠堂士紳家間有之然多祭于寢

冠禮 久廢士紳家間有行者

婚禮 先通媒次納采次納幣次報期次親迎不論財不繁文大有古風

羅山縣志

卷之四

鄉儀

四十

喪禮 烏乎喪紀之廢久矣傳曰斬衰功緦其文也不飲酒食肉處內者其實也董子曰喪云喪

云衣服云乎哉盖傷之也素冠之詠願吾黨共勉之若作佛事亦人子不得已至情洪武二十年

四年曾勅禮部頒降科儀安可盡非也

祭禮 鄉俗除夕元旦元夕必設牲醴庭前祭天地百神恬不知僭龍江沈公議惟焚香四拜不

陳牲不焚楮于情禮為允今從之

禮見 歲首相拜賀冬至及四孟月朔士大夫家行之

燕見 候間起居質疑白事常服相見揖而不拜

途遇 遇尊長則遜而俟其行凡尊長乘卑幼則避

燕集

鄉人序齒惟遠賔與有爵者則別序不相妨者仍以齒凡迎勞出餞特舉者皆以專召為

上姻家亦然

請召

請尊者則躬投書得請之明日復往謝同輩惟書簡召謝而已

迎送

遠行遠歸咸迎送之餞勞如常儀

慶弔

嘉禮則慶之有賀儀凶禮則弔之有賻儀有奠儀貧者或相助焉遠不相及者再拜遣使之以問之

論曰禮者所以安上而全下也揉曲木于準繩引

洪流于池沼其初非不格格然難入也而卒之利

羅山縣志

卷之四

鄉儀

四十一

器用資灌輸者久而與之相習也雖然木之良者易就質焉水之順者易為功焉士之不得不先于民者勢也養士之地譬猶良田性情其嘉種也俊秀其勾萌也愚樸其榛蕪也禮義其培植也成就其碩果也古云倉廩足而知禮義教所以終養之事與

羅山縣志卷之四終

養老

魯麟

康熙二十八年欽奉

恩詔七十以上者准一丁侍養免其差徭八十以上者給絹一疋綿一觔米一石肉十觔九十以上者倍給絹二疋綿二觔米二石肉二十觔麟遵查里甲老民七十以上者金本一等二十四名八十以上者汪禮之等八名九十以上者陳鼎等三名分別侍養免其差徭及給絹綿米石之

羅山縣志

卷之四

養老

四十二

數各如額面給具領在案